



Ar hin/du Buch voll Heimlichkeit/
Erzaig dein Krafft/ vnd biß bereit
Allen denen/die Konst Weisheit Ler/
Suchen/Lieben/dornach trachten sehr/
Derselben los kein scheiden ab/
Der nit von dir etwas hab.

An den Buchbinder

Kind ob du wilst/diß Büchlein klein/
Zusamen ziehn/vnd binden ein.
So merck das der Figuren Acht/
Dorzu sindt gordnet/grist vnd gmacht.
Do jedem Planet/eine zu hört/
Gilt gleich/wo sey hin Bunden wert
Doch souer/das sey im Buch stet
Am ort/als weit der selb Planet.
Sein regiment hat/siert vnd treybt/
Obs anfangs/im mittel/oder end beleibt.
Ist als doran gelegen nicht/
Den größten Zirckel/Erstlich Richt/
Mit A verzeichnet/dornoch s Radt
Oder Zirckel/der B zum zeichen hadt.
Zu lest den Aß/zaichnet mit C/
Leims auff Papir/das es vmbghe.
Darzwischen beide halbe Sphaer/
Vnd die Planeten gang vmbher.
Schneidt zwischen Blettern/vnd dem stam/
Die feldung durch/hinweg allsam/
Domit ein jeder sechen kan/
Wo/wie/vnd in was Gradus stan.
Alle Planeten/auff jeden tag/
Leims wol/das sich nit verrucken mag.
Werfs vmbtreibt/der wirt sechen drinnen/
Figuren/wunderlicher sinnen.

